

SIARAN MEDIA

Untuk Siaran Segera

PENUMPANG LRT DARI ARAH AMPANG DAN PUTRA HEIGHTS BOLEH TERUS KE MASJID JAMEK BERMULA 1 FEBRUARI 2024

- *Penumpang tidak perlu turun di Stesen Hang Tuah bagi mendapatkan tren perantara untuk ke Masjid Jamek*
- *Rapid Rail akan melaksana operasi percubaan akhir perkhidmatan LRT di antara Stesen Masjid Jamek dan Stesen Bandaraya sebagai persediaan untuk pembukaan operasi penuh*
- *Bilangan tren akan ditambah dan kekerapan tren akan dipertingkatkan*

KUALA LUMPUR, 31 Januari 2024 – Berita baik bagi semua penumpang LRT Laluan Ampang/Sri Petaling. Bermula 1 sehingga 16 Februari 2024, operasi tren dari arah Ampang dan Putra Heights akan meneruskan perkhidmatan sehingga ke Stesen Masjid Jamek.

Dengan perubahan ke atas pengoperasian ini, para penumpang tidak perlu lagi turun di Stesen Hang Tuah bagi tujuan mendapatkan tren perantara untuk ke Stesen Masjid Jamek. Namun penumpang masih perlu mendapatkan khidmat bas perantara percuma bagi meneruskan perjalanan di antara Stesen Masjid Jamek dan Stesen Bandaraya.

Dalam tempoh yang sama, pihak Rapid Rail Sdn Bhd (Rapid Rail) akan menjalankan operasi percubaan akhir perkhidmatan LRT di antara Stesen Masjid Jamek dan Stesen Bandaraya, sebagai persiapan sebelum pembukaan semula laluan ini kepada pengguna.

Kekerapan tren pada waktu puncak akan dipertingkatkan dengan masa menunggu 3.5 minit bagi Daerah Pusat Perniagaan dan 7 minit luar Daerah Pusat Perniagaan.

Pelaksanaan operasi percubaan akhir ini dijalankan sebagai mematuhi piawai operasi dalam langkah untuk memastikan keselamatan pengguna dan kebolehpercayaan sistem rel.

Bergantung kepada penilaian dan kelulusan daripada pihak berkuasa, pembukaan penuh laluan ini dijangka akan dilaksanakan pada penghujung Februari 2024.

Kerja-kerja membaik pulih struktur jejambat dan landasan berhampiran Stesen Bandaraya yang telah selesai sepenuhnya tersebut turut melibatkan penukaran beberapa komponen landasan disekitar kawasan yang terlibat. Ia adalah usaha berterusan pihak Rapid Rail dalam memastikan keselamatan dan keselesaan penumpang.

Pihak Rapid Rail berharap dengan pembukaan semula laluan ini kelak, ianya akan dapat mengembalikan keselesaan pengguna dan jumlah penumpang akan dapat ditingkatkan kerana penumpang tidak perlu lagi menukar tren atau menggunakan khidmat bas perantara.

Laluan di antara Stesen Masjid Jamek dan Stesen Bandaraya ditutup semenjak 27 Januari 2023 susulan daripada kejadian kerosakan struktur dan landasan berhampiran Stesen LRT Bandaraya yang telah menyebabkan tren tidak dapat melalui kawasan berkenaan.

TAMAT

Dikeluarkan oleh Rapid Rail Sdn Bhd, sebarang pertanyaan media sila hubungi pegawai komunikasi Rapid Rail Sdn Bhd

1. En Mohd Sofian Hilmi, 019-4601110
2. Pn. Noor Natasha Mohd Irwan 013-332 2900